



服部文庫  
イ17  
148



新古點

周書



泰誓上

惟十有一年，武王伐殷，一月，成王師渡孟津，作泰誓三篇。

惟十有三年春大會孟津。○王曰：嗟我友邦冢

君，越我御事，庶士明聽誓。惟天地萬物、父母、惟

人萬物之靈，實聰明作元后，元后作民父母。○

今商王受弗敬上天，降災下民。○沈湎冒色，敢

行暴虐，罪人以族，官人以世，惟宮室臺榭陂池，

侈服，以殘害于爾萬姓，焚炙忠良，剝剔孕婦，皇

宣丁但及

剝剔剝他聲

天震怒命我文考肅將天威大勳未集○肆予

小子發以爾友邦冢君觀政于商惟受罔有悛

心乃夷居弗事上帝神祇遺厥先宗廟弗祀犧

牲粢盛既于凶盜乃曰吾有民有命罔懲其侮

○天佑下民作之君作之師惟其克相上帝寵

綏四方有罪無罪予曷敢有越厥志○同力度

德同德度義受有臣億萬惟億萬心予有臣三

千惟一心○商罪貫盈天命誅之予弗順天厥

罪惟鈞○予小子夙夜祇懼受命文考類于上

帝宜于冢土以爾有衆底天之罰○天矜于民

民之所欲天必從之爾尚弼予一人永清四海

時哉弗可失

泰誓中

惟戊午王次于河朔羣后以師畢會王乃徇師

而誓○曰嗚呼西土有衆咸聽朕言○我聞言

人爲善惟日不足凶人爲不善亦惟日不足今

酗許其

音喻

商王受力行無度播棄黎老昵比罪人淫酗肆  
 虐臣下化之朋家作仇脅權相滅無辜顛天穢  
 德彰聞惟天惠民惟辟奉天有夏桀弗克若天  
 流毒下國天乃佑命成湯降黜夏命○惟受罪  
 浮于桀剝喪元良賊虐諫輔謂已有天命謂敬  
 不足行謂祭無益謂暴無傷厥鑒惟不遠在彼  
 夏王天其以予人民朕夢協朕卜襲于休祥戎  
 商必克○受有億兆夷人離心離德予有亂臣

十人同心同德雖有周親不如仁人○天視自  
 我民視天聽自我民聽百姓有過在予一人今  
 朕必往○我武惟揚侵于之疆取彼凶殘我伐  
 用張于湯有光○勗哉夫子南或無畏寧執非  
 敵百姓懍懍若崩厥角嗚呼乃一德一心立定  
 厥功惟克永世

泰誓下

時厥明王乃大巡六師明誓衆士○王曰嗚呼

我西土君子夫有顯道厥類惟彰今商王受狎侮五常荒怠弗敬自絕于天結怨于民斲朝涉之脛剖賢人之心作威殺戮毒痛四海崇信姦回放黜師保屏棄典刑囚奴正士郊社不脩宗廟不享作奇技淫巧以悅婦人上帝弗順祝降時喪爾其孜孜奉于一人恭行天罰○古人有言曰撫我則后虐我則讎獨夫受洪惟作威乃汝世讎樹德務滋除惡務本肆予小子誕以爾

衆士殄殲乃讎爾衆士其尚迪果毅以登乃辟功多有厚賞不迪有顯戮嗚呼惟我文考若日月之照臨光于四方顯于西土惟我有周誕受多方○予克受非予武惟朕文考無罪受克予非朕文考有罪惟予小子無良

**牧誓** 武王戎車三百兩虎賁三百人與受戰牧野作牧誓牧誓

時甲子昧爽王朝至于商郊牧野乃誓王左杖黃鉞右秉白旄以麾曰逖矣西土之人○王曰

王

嗟我友邦冢君御事司徒司馬司空亞旅師氏

千夫長百夫長及庸蜀羌髳微盧彭濮人稱爾

戈比爾千立爾予予其誓○王曰古人有言曰

牝雞無晨牝雞之晨惟家之索今商王受惟婦

言是用昏棄厥肆祀弗答昏棄厥遺王父母弟

不迪乃惟四方之多罪逋逃是崇是長是信是

使是以爲大夫卿士俾暴虐于百姓以茲究于

商邑○今予發惟恭行天之罰今日之事不愆

于六步七步乃止齊爲夫子勛哉○不愆于四

伐五伐六伐七伐乃止齊爲勛哉夫子○尚桓

桓如虎如貔如熊如羆于商郊弗迓克奔以役

西土勛哉夫子爾所弗勛其于爾躬有戮

武成

武王代殷往代昆陽

惟一月壬辰旁死魄越翼日癸巳王朝步自周

于征伐商○厥四月哉生明王來自商至于豐

乃偃武修文歸馬于華山之陽放牛于桃林之

野示天下弗服。○丁未祀于周廟。邦甸侯衛駿

奔走執豆蓬。越三日庚戌。柴望大告武成。○既

生魄。庶邦冢君暨百工受命于周。○王若曰。嗚

呼羣后。惟先王建邦啟土。公劉克篤。前烈至于

太王。肇基王迹。王季其勤。王家我文。考文王克

成厥勳。誕膺天命。以撫方夏。大邦畏其力。小邦

懷其德。惟九年大統未集。予小子其承厥志。○

底商之罪。告于皇天后土。所過名山大川。曰惟

有道。曾孫周王發。將有大正于商。今商王受無

道。暴殄天物。害虐烝民。為天下逋逃。主萃淵藪。

予小子既獲仁人。敢祇承上帝。以遏亂略。華夏

蠻貊罔不率俾。○恭夫成命。肆予東征。綏厥士

女。惟其士女。篚厥玄黃。昭我周王。天休震動。用

附我大邑周。惟爾有神。尚克相予。以濟兆民。無

作神羞。既戊午。師渡孟津。癸亥。陳于商郊。俟天

休命。甲子。昧爽。受率其旅。若林。會于牧野。罔有

渡一作逾 尚書作

甲

渡王系本作巡

敵于我師前徒倒戈攻于後以北血流漂杵一  
戎衣天下大定乃反商政政由舊釋箕子囚封  
比干墓式商容間散鹿臺之財發鉅橋之粟大  
賚于四海而萬姓悅服○列爵惟五分土惟三  
建官惟賢位事惟能重民五教惟食饗祭悖信  
明義崇德報功垂拱而天下治

今考定武成

惟一月壬辰旁死魄越翼日癸巳王朝步自

周于征伐商底商之罪告于皇天后土所過  
名山大川曰惟有道曾孫周王發將有大正  
于商今商王受無道暴殄天物害虐烝民為  
天下逋逃主萃淵藪予小子既獲仁人敢祇  
承上帝以遏亂略藝夏蠻貊罔不率俾惟爾  
有神尚克相予以濟兆民無作神羞既戊午  
師渡孟津癸亥陳于商郊俟天休命甲子昧  
爽受率其旅若林會于牧野罔有敵于我師



前徒倒戈攻于後以北血流漂杵一戎衣天下大定乃及商政政由舊釋箕子囚封比干墓式商容閭散鹿臺之財發鉅橋之粟大賚于四海而萬姓悅服厥四月哉生明王來自商至于豐乃偃武脩文歸馬于華山之陽放牛于桃林之野示天下弗服既生魄庶邦冢君暨百工受命于周丁未祀于周廟邦甸侯衛駿奔走執豆邊越三日庚戌柴望大告武成王若曰嗚呼羣后惟先王建邦啟土公劉克篤前列至于太王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小子其承厥志恭天成命肆予東征綏厥士女惟其士女篚厥玄黃昭我周王天休震動用附我大邑周列爵惟五分土惟三建官惟賢位事惟能重民五教惟食喪祭惇信

明義崇德報功垂拱而天下治

洪範

武王勝殷紂受武庚殺  
以箕子隳作洪範洪範

雋之逸反

惟十有三祀王訪于箕子○王乃言曰嗚呼箕  
子惟天陰隲下民相協厥居我不知其彝倫攸  
敘○箕子乃言曰我聞在昔鯀陞洪水汨陳其  
五行帝乃震怒不畀洪範九疇彝倫攸斃鯀則  
殛死禹乃嗣興天乃錫禹洪範九疇彝倫攸敘  
○初一日五行次二曰敬用五事次三曰農用

八政次四曰協用五紀次五曰建用皇極次六  
曰乂用三德次七曰明用稽疑次八曰念用庶  
徵次九曰嚮用五福威用六極○一五行一曰  
水二曰火三曰木四曰金五曰土水曰潤下火  
曰炎上木曰曲直金曰從革土爰稼穡潤下作  
鹹炎上作苦曲直作酸從革作辛稼穡作甘○  
二五事一曰貌二曰言三曰視四曰聽五曰思  
貌曰恭言曰從視曰明聽曰聰思曰睿恭作肅

從作又明作哲聰作謀睿作聖○三八政一曰  
 食二曰貨三曰祀四曰司空五曰司徒六曰司  
 寇七曰實八曰師○四五紀一曰歲二曰月三  
 日日四曰星辰五曰曆數○五皇極皇建其有  
 極欽時五福用敷錫厥庶民惟時厥庶民于汝  
 極錫汝保極○凡厥庶民無有淫朋人無有比  
 德惟皇作極凡厥庶民有猷有為有守汝則念  
 之不協于極不罹于咎皇則受之而康而色曰

予攸好德汝則錫之福時人斯其惟皇之極○  
 無虐於獨而畏高明○人之有能有為使羞其  
 行而邦其昌凡厥正人既富方穀汝弗能使其  
 好于而家時人斯其辜于其無好德汝雖錫之  
 福其作汝用咎無偏無陂遵王之義無有作好  
 遵王之道無有作惡遵王之路無偏無黨王道  
 蕩蕩無黨無偏王道平平無反無側王道正直  
 會其有極歸其有極○曰皇極之敷言是彝是

訓于帝其訓。○凡厥庶民極之數言是訓是行以近天子之光。曰天子作民父母以為天下王。

○六三德一曰正直二曰剛克三曰柔克平康。

正直彊弗友剛克。變友柔克沈潛剛克高明柔

克。○惟辟作福惟辟作威惟辟玉食臣無有作

福作威玉食。○臣之有作福作威玉食其害于

而家凶于而國人用側頗僻民用僭忒。○七稽

疑擇建立卜筮人乃命卜筮。○曰雨曰霽曰蒙

曰騁曰克。○曰貞曰悔。○凡七卜五占用二行

忒。○立時人作卜筮三人占則從二人之言。○

汝則有大疑謀及乃心謀及卿士謀及庶人謀

及卜筮。○汝則從龜從筮從卿士從庶民從是

之謂大同身其康疆子孫其逢吉。○汝則從龜

從筮從卿士逆庶民逆吉。○卿士從龜從筮從

汝則逆庶民逆吉。○庶民從龜從筮從汝則逆

卿士逆吉。○汝則從龜從筮逆卿士逆庶民逆

作內吉作外凶○龜茲共違于人用靜吉用作作

凶○八庶徵曰雨曰暘曰燠曰寒曰風曰時五

者來備各以其敘庶艸蕃蕪○一極備凶一極

無凶○曰休徵曰肅時雨若曰乂時暘若曰哲

時燠若曰謀時寒若曰聖時風若曰咎徵曰狂

恆雨若曰僭恆暘若曰豫恆燠若曰急恆寒若

曰蒙恆風若○曰王省惟歲卿士惟月師尹惟

日歲月日時無易百穀用成又用明俊民用章

家用平康○日月歲時既易百穀用不成又用

昏不明俊民用微家用不寧○庶民惟星星有

好風星有好雨日月之行則有冬有夏月之從

星則以風雨○九五福一曰壽二曰富三曰康

寧四曰攸好德五曰考終命○六極一曰凶短

折二曰疾三曰憂四曰貧五曰惡六曰弱武王既

旅獒西旅獻獒大保諸侯班宗尋賜諸侯

惟克商遂通道于九夷八蠻西旅底貢厥獒太

其心作人  
非是

保乃作旅葵用訓于王。日嗚呼明王慎德。四夷咸賓。無有遠邇。畢獻方物。惟服食器用。王乃昭德之致。于異姓之邦。無替厥服。分寶玉于伯叔之國。時庸展親。人不易物。惟德其物。德盛不狎侮。狎侮君子。罔以盡其心。狎侮小人。罔以盡其力。不役耳目。自百度。惟貞。玩人喪德。玩物喪志。志以道寧。言以道接。不作無益。害有益功。乃成不貴異物。賤用物。民乃足。犬馬

非其土性。不畜珍禽。奇獸不育于國。不寶遠物。則遠人格。所寶惟賢。則邇人安。嗚呼夙夜罔或不勤。不矜細行。終累大德。為山九仞。功虧一簣。允迪茲生。民保厥居。惟乃世王。既克商二年。王有疾弗豫。二公曰。我其為王。穆下。周公曰。未可以臧我先王。公乃自以為功。為二壇。同墀。為壇於南方。北面。周公立焉。

金滕

武王有疾。周公作金滕。金滕。

伯作旅。命

植璧秉珪乃告太王王季文王史乃冊祝曰惟  
 爾元孫其邁厲虐疾若爾三王是有丕子之責  
 于天以且代其之身○予仁若考能多材多藝  
 能事鬼神乃元孫不若且多材多藝不能事鬼  
 神○乃命于帝庭敷佑四方用能定爾子孫于  
 下地四方之民罔不祇畏嗚呼無墜天之降寶  
 命我先王亦永有依歸○今我即命于元龜爾  
 之許我我其以璧與珪歸俟爾命爾不許我我

乃屏璧與珪○乃卜三龜一習吉啟籒見書乃  
 并是吉○公曰體王其罔害予小子新命于三  
 王惟永終是圖茲攸俟能念予一人○公歸乃  
 納冊于金縢之匱中王翼日乃瘳○武王既喪  
 管叔及其羣弟乃流言於國曰公將不利於孺  
 子○周公乃告二公曰我之弗辟我無以告我  
 先王○周公居東二年則罪人斯得○于後公  
 乃為詩以貽王名之曰鷓鴣王亦未敢誚公○

則鷓鴣章風

孔子心國家礼有德之宜

秋大熟未穫天大雷電以風禾盡偃大木斯拔  
邦人大恐王與大夫盡弁以啟金縢之書乃得  
周公所自以為功代武王之說○二公及王乃  
問諸史與百執事對曰信噫公命我勿敢言○  
王執書以泣曰其勿穆卜昔公勤勞王家惟予  
冲人弗及知今天動威以彰周公之德惟朕小  
子其新逆我國家禮亦宜之○王出郊天乃雨  
及風禾則盡起二公命邦人凡大木所偃盡起  
而築之歲則大熟

大誥

武王崩三監及淮夷叛周公相成王將黜殷作大誥大誥

王若曰猷大誥爾多邦越爾御事弗弔天降  
于我家不少延洪惟我幼冲人嗣無疆大歷服  
弗造哲迪民康矧曰其有能格知天命已予惟  
小子若涉淵水予惟往求朕攸濟敷責敷前人  
受命茲不忘大功予不敢閉于天降威用○寧  
王遺我大寧龜紹天明即命曰有大艱于西土

五



西土人亦不靜越茲蠹○殷小腆謏敢紀其敘

天降威知我國有疵民不康曰予復反鄙我周

邦○今蠢今翼日民獻有十夫予翼以于救寧

武圖功我有大事休朕卜并吉○肆予告我友

邦君越尹氏庶士御事曰予得吉小子惟以爾

庶邦于伐殷道播臣○爾庶邦君越庶士御事

罔不反曰艱太民不靜亦惟在王宮邦君室越

予小子考翼不可征王害不違卜○肆予冲人

永思艱曰嗚呼允蠢鯀哀哉予造天役遺天

投艱于朕身越予冲人不叩自恤義爾邦君越

爾多士尹氏御事終予曰無咎于恤不可不成

乃寧考圖功○已予惟小子不敢替上帝命天

休于寧王興我小邦周寧王惟卜用克綏受茲

命今天其相民矧亦惟卜用嗚呼天明畏弼我

丕丕基王曰爾惟舊人爾丕克遠省爾知寧王

若勤哉天闕送我成功所予不敢不極卒寧王

尚春救之下有  
寧之字  
尚春肆之下  
有告之字

圖事肆予大化誘我友邦君天棐忱辭其考我

民予曷其不于前寧人圖功攸終天亦惟用勤

愍我民若有疾予曷敢不于前寧人攸受休畢

○王曰若昔朕其逝朕言艱日思若考作室既

底法厥子乃弗肯堂矧肯構厥父昔厥子乃弗

肯播矧肯穫厥考翼其肯曰予有後弗棄其肆

予曷敢不越卬救寧王大命○若兄考乃有友

伐厥子民養其勸弗救王曰嗚呼肆哉爾庶邦

君越爾御事爽邦由哲亦惟十人迪知上帝命

越天棐忱爾時罔敢易法矧今天降戾于周邦

惟大艱人誕鄰胥伐于厥室爾亦不知天命不

易○予永念曰天惟喪殷若稽夫予曷敢不終

朕畀天亦惟休于前寧人○予曷其極下敢弗

于從率寧人有指疆土矧今卜并吉肆朕誕以

爾東征天命不僭卜陳惟若茲

微子之命  
成王既黜殷命却武庚命微子殷代殷  
後作微子之命

王若曰猷殷王元辛惟稽古崇德象賢統承先

王修其禮物作賓于王家與國咸休永世無窮

嗚呼乃祖成湯克齊聖廣淵皇天眷佑誕受

厥命撫民以寬除其邪虐功加于時德垂後裔

爾惟踐修厥猷舊有令聞恪慎克孝肅恭神

人予嘉乃德曰篤不忘上帝時歆下民祇協庸

建爾于上公尹茲東夏欽哉在敷乃訓慎乃

服命率由典常以蕃王室弘乃烈祖律乃有民

永綏厥位毗予一人世世享德萬邦作式俾我

有周無斁嗚呼往哉惟休無替朕命

康誥

成王既代管叔蔡叔封康叔

公于東作歸未周公既得命未旅天子之命作嘉禾

惟三月哉生魄周公初基作新大邑于東國洛

四方民大和會侯甸男邦采衛百土播民和見

士于周周公咸勤乃洪大誥治王若曰孟侯

朕其弟小子封惟乃丕顯考文王克明德慎

罰不敢侮鰥寡庸庸祇祇威威顯民用肇造

邦 異

殪於計反

今下尚各有治字

燦古類反

我區夏越我一二邦以脩我西土惟時怙冒聞  
于上帝帝休天乃大命文王殪我殷誕受厥命  
越厥邦厥民惟時敘乃寡兄勗肆汝小子封在  
茲東土○王曰嗚呼封汝念哉今民將在祗通  
乃文考紹聞衣德言往敷求于殷先哲王用保  
乂民汝丕遠惟商耆成人宅心知訓別求聞由  
古先哲王用康保民弘于天若德裕乃身不廢  
在王命○王曰嗚呼小子封侗瘳乃身敬哉天  
畏棊忱民情大可見小人難保往盡乃心無康  
好逸豫乃其乂民我聞曰怨不在大亦不在小  
惠不惠懋不懋○已汝惟小子乃服惟弘王應  
保殷民亦惟助王宅天命作新民○王曰嗚呼  
封敬明乃罰人有小罪非眚乃惟終自作不典  
式爾有厥罪小乃不可不殺乃有大罪非終乃  
惟眚災適爾既道極厥辜時乃不可殺○王曰  
嗚呼封有敘時乃大明服惟民其勅懋和若有

疾惟民其畢棄矣若保赤子惟民其康乂○非  
 汝對刑人殺人無或刑人殺人非汝封又曰劓  
 刑人無或劓刑人○王曰外事汝陳時臬司師  
 茲殷罰有倫○又曰要囚服念五六日至于旬  
 時不蔽要囚王曰汝陳時臬司蔽殷彝用其  
 義刑義殺勿庸以次汝封乃汝盡遜曰時敘惟  
 曰未有遜事○已汝惟小子未其有若汝封之  
 心朕心朕德惟乃知○凡民自得罪寇攘女終

殺越人于貨皆不畏死罔弗斃○王曰封元惡  
 大憝矧惟不孝不友子弗祗服厥父事大惕厥  
 考心于父不能字厥子乃疾厥子于弟弗念天  
 顯乃弗克恭厥兄兄亦不念鞠于哀大不友于  
 弟惟弔茲不于我政人得罪天惟與我民彝大  
 泯亂曰乃其速由文王作罰刑茲無赦○不率  
 大臬矧惟外庶子訓人惟厥正人越小臣諸節  
 乃別播敷造民大譽弗念弗庸瘵厥君時乃引

惡惟朕懃已汝乃其速由茲義率殺○亦惟若  
惟長不能厥家人越厥小臣外正惟威惟虐大  
放王命乃非德用乂○汝亦罔不克敬典乃由  
裕民惟文王之敬忌乃裕民曰我惟有及則予  
一人以懌○王曰封爽惟民迪吉康我時其惟  
殷先哲王德用康乂民作求矧今民罔迪不適  
不迪則罔政在厥邦○王曰封予惟不可不監  
告汝德之說于罰之行今惟民不靜未戾厥心  
迪屢未同爽惟天其罰殛我我其不怨惟厥罪  
無在大亦無在多矧曰其尚顯聞于天○王曰  
嗚呼封敬哉無作怨勿用非謀非彝蔽時忱丕  
則敏德用康乃心顧乃德遠乃猷裕乃以民寧  
不汝瑕殄○王曰嗚呼肆汝小子封惟命不予  
常汝念哉無我殄享明乃服命高乃聽用康乂  
民○王若曰往哉封勿替敬典聽朕告汝乃以  
殷民世享

書  
酒誥

酒誥 康叔監殷民殷民化紂諸酒以戒酒誥

王若曰明大命于妹邦○乃穆考文王肇國在  
西土厥誥恣庶邦庶士越少正御事朝夕曰祀  
茲酒惟天降命肇我民惟元祀○天降威我民  
用大亂喪德亦罔非酒惟行越小大邦用罔亦  
罔非酒惟辜○文王誥教小子有正有事無彝  
酒越庶國飲惟祀德將無醉○惟曰我民迪小  
子惟土物愛厥心臧聰聽祖考之彝訓越小大

化

德小子惟一○妹土嗣爾股肱純其藝黍稷奔  
走事厥考厥長肇牽車牛遠服賈用孝養厥父  
母厥父母慶自洗腆致用酒○庶士有正越庶  
伯君子其爾典聽朕教爾大克羞者惟君爾乃  
飲食醉飽不惟曰爾克永觀省作誓中德爾尚  
克羞饋祀爾乃自介用逸茲乃允惟王正事之  
臣茲亦惟天若元德永不忘在王家○王曰封  
我西土棗徂邦君御事小子尚克用文王教不

腆于酒故我至于今克受殷之命○王曰封我  
聞惟曰在昔殷先哲王迪畏天顯小民經德秉  
哲自成湯咸至于帝乙成王良相惟御事厥棗  
有恭不敢自暇自逸矧曰其敢崇飲○越在外  
服侯甸男衛邦伯越在內服百僚庶尹惟亞惟  
服宗工越百姓里居罔敢湏于酒不惟不敢亦  
不暇惟助成王德顯越尹人祇辟○我聞亦惟  
曰在今後嗣王酣身厥命罔顯于民祇保越怨  
不易誕惟厥縱淫泆于非彝用燕惑威儀民罔  
不盡傷心惟荒腆于酒不惟自息乃逸厥心疾  
狠不克畏死辜在商邑越殷國滅無罹弗惟德  
馨香祀登聞于天誕惟民怨庶羣自酒腥聞在  
上故天降喪于殷罔愛于殷惟逸天非虐惟民  
自速辜○王曰封予不惟若茲多誥古人有言  
曰人無於水監當於民監今惟殷墜厥命我其  
可不<sub>レ</sub>大監撫于時○予惟曰汝劼<sub>レ</sub>越<sub>レ</sub>殷獻<sub>レ</sub>臣侯



甸男衛矧太史友內史友越獻臣百宗工矧惟  
爾事服休服采矧惟若疇圻父薄違農父若保  
宏父定辟矧汝剛制于酒○厥或誥曰羣飲汝  
勿佚盡執拘以歸于周予其殺○又惟殷之迪  
諸臣惟工乃酒于酒勿庸殺之姑惟教之○有  
斯明享乃不用我教辭惟我一人弗恤弗蠲乃  
事時同于殺○王曰封汝典聽朕恣勿辯乃司  
民酒于酒

梓材

梓材 告康叔以為政之道亦如梓人治林

王曰封以厥庶民暨厥臣達大家以厥臣達王  
惟邦君○汝若怙越曰我有師師司徒司馬司  
空尹旅曰子罔厲殺人亦厥君先敬勞肆徂厥  
敬勞肆往姦宄殺人歷人宥肆亦見厥君事我  
敗人宥○王啟監厥亂為民曰無胥戕無胥虐  
至于敬實至于屬婦合由以容王其效邦君越  
御事厥命曷以引養引恬自古王若茲監罔攸

尚肩肆 入王三

辟惟曰若稽田既勤敷蕃惟其陳脩為厥疆畝  
 若作室家既勤垣墉惟其塗既茨若作梓材既  
 勤樸斲惟其塗丹雘○今王惟曰先王既勤用  
 明德懷為夾庶邦享作兄弟方來亦既用明德  
 后式典集庶邦不享○皇天既付中國民越厥  
 疆土于先王肆王惟德用和懌先後迷民用  
 懌先王受命已若茲監惟曰欲至于萬年惟王  
 子子孫孫永保民

召誥

成王在豐欲宅洛邑使召公先相宅作召誥召誥

惟二月既望越六日乙未王朝步自周則至于  
 豐○惟太保先周公相宅越若來三月惟丙午  
 船越三日戊申太保朝至于洛卜宅厥既得卜  
 則經營○越三日庚戌太保乃以庶殷攻位于  
 洛內越五日甲寅位成○若翼日乙卯周公朝  
 至于洛則達觀于新邑營○越三日丁巳用牲  
 于郊牛二越翼日戊午乃社于新邑牛一羊一

敬

豕一越七日甲子周公乃朝用書命庶殷侯

甸男邦伯庶既命殷庶庶殷丕作○大保乃

以庶邦冢君出取幣乃復入錫周公曰拜手稽

首旅王若公誥告庶殷越自乃御事○嗚呼皇

天上帝改厥元子茲大國殷之命惟王受命無

疆惟休亦無疆惟恤嗚呼曷其柰何弗敬○天

既遺終大邦殷之命茲殷多先哲王在天越厥

後王後民茲服厥命厥終智藏瘝在夫知保抱

攜持厥婦子以哀籲天祖厥亡出執嗚呼天亦

哀于四方民其眷命用懋王其疾敬德○相古

先民有夏天迪從子保面積天若今時既墜厥

命今相有殷天迪格保面積天若今時既墜厥

命○今冲子嗣則無遺壽考曰其稽我古人之

德矧曰其有能稽謀自天○嗚呼有王雖小元

子哉其不能誠于小民今休王不敢後用顧畏

于民○王來紹上帝自服于土中曰其作

尚書保之下  
有禹之字

尚書服之  
有石之字

大邑其自時配皇天。於祀于上下其自時中。又  
王厥有成命治民。今休。○王先服殷御事。比介  
于我有周御事。節性惟日其邁。○王敬作所不  
可不敬德。○我不可不監于有夏。亦不可不監  
于有殷。我不敢知曰有夏服天命。惟有歷年。我  
不敢知曰不其延。惟不敬厥德。乃早墜厥命。我  
不敢知曰有殷受天命。惟有歷年。我不敢知曰  
不其延。惟不敬厥德。乃早墜厥命。○今王嗣受

厥命。我亦惟茲。一國命嗣。若功。王乃初服。○嗚  
呼。若生子。罔不在厥初。生自胎。哲命。今天其命  
哲。命吉凶。命歷年。知今我初服。○宅新邑。肆惟  
王其疾敬德。王其德之用。祈天永命。○其惟王  
勿以小民淫用非彝。亦敢殄戮用乂。民若有功  
○其惟王位在德元。小民乃惟刑用于天下。越  
王顯。○上下勤恤。其曰我受天命。丕若有夏歷  
年。式勿替有殷歷年。欲王以小民受天永命。○

拜手稽首曰予小臣敢以王之讎民百君子越友民保受王威命明德王未有成命王亦顯我非敢勤惟恭奉幣用供王能祈天永命

洛誥

召公既相宅周公往經營成周使來告卜作洛誥洛誥

周公拜手稽首曰朕復子明辟○王如弗敢及天基命定命予乃胤保大相東土其基作民明辟○予惟乙卯朝至于洛師我卜河朔黎水我乃卜澗水東澗水西惟洛食我又卜澗水東亦

惟洛食佻來以圖及獻卜○王拜手稽首曰公不敢不敬天之休來相宅其作周匹休公既定宅佻來來視予卜休恒吉我二人共貞公其以予萬億年敬天之休拜手稽首誨言○周公曰王肇稱殷禮祀于新邑咸秩無文○予齊百工佻從王于周予惟曰庶有事○今王即命日記功宗以功作元祀惟命曰汝受命篤弼○不視功載乃汝其悉自教工○孺子其朋孺子其朋

其往無若火始燄燄厥攸灼敘弗其絕○厥若  
 彝及撫事如子惟以在周二往新邑伴嚮即有  
 僚明作有功惇大成裕汝永有辭公曰已汝惟  
 冲子惟終○汝其敬識百辟享亦識其有不享  
 享多儀儀不及物惟曰不享惟不役志于享凡  
 民惟曰不享惟事其爽侮○乃惟孺子頌朕不  
 暇聽朕教汝于斐民彝汝乃是不覺乃時惟不  
 永哉篤敘乃正父罔不若子不敢廢乃命汝往

敬哉茲予其明農哉彼裕我民無遠用戾○王  
 若曰公明保予冲子公稱丕顯德以予小子揚  
 文武烈奉答天命和恒四方民居師○惇宗將  
 禮稱秩元祀咸秩無文○惟公德明光于上下  
 勤施于四方旁作穆穆迓衡不迷文武勤教予  
 冲子夙夜恣祀○王曰公功斐迪篤罔不若時  
 ○王曰公子小子其退即辟于周命公後四方  
 迎亂未定于宗禮亦未克敘公功○迪將其後

禮記

順

禮記

禮記

監我士師工誕保文武受民亂為四輔○王曰

公定予往已公功肅將祇歡公無困哉我惟無

斃其康事公勿替刑四方其世享周公拜手稽

首曰王命予來承保乃文祖受命民越乃光烈

考武王弘朕恭○孺子來相宅其大惇典殷獻

民亂為四方新辟作周恭先曰其自時中又萬

邦咸休惟王有成績○予且以多子越御事篤

前人戒烈答其師作周乎先考朕昭予刑乃單

文祖德○佂來恣殷乃命寧予以秬鬯二卣曰

明禋拜手稽首休享○予不敢徇則禋于文王

武王○惠篤敘無有違自疾萬年厭于乃德殷

乃引考○王佂殷乃承敘萬年其永觀朕子懷

德○戊辰王在新邑烝祭歲文王駢牛一武王

駢牛一王命作冊逸祝冊惟告周公其後王賓

殺禋咸格王入太室裸○王命周公後作冊逸

誥在十有一月○惟周公誕保文武受命惟七

年

多士

成周既成洛陽遷殷頑民  
周公以王命誥作多士多士

惟三月周公初于新邑洛用告商王士○王若  
曰爾殷遺多士弗弗旻天大降喪于殷我有周  
佑命將天明威致王罰勅殷命終于帝○肆爾  
多士非我小國敢弋殷命惟天不畀允罔固亂  
爾我我其敢求位○惟帝不畀惟我下民秉爲  
惟天明良○我聞曰上帝引逸有夏不適逸則

惟帝降格嚮于時夏弗克庸帝大淫泆有辭惟  
時天罔念聞厥惟廢元命降教罰○乃命爾先  
祖成湯革夏俊民甸四方○自成湯至于帝乙  
罔不明德恤祀○亦惟天丕建保乂有殷殷王  
亦罔敢失帝罔不配天其澤○在今後嗣王誕  
罔顯于天矧曰其有聽念于先王勤家誕淫厥  
泆罔顧于天顯民祗○惟時上帝不保降若茲  
大喪○惟天不畀不明厥德○凡四方小大邦



一本又之三字作其非是

密罔非有辭于罰○王若曰爾殷多士今惟我  
 周王不靈承帝事有命曰割殷告勅于帝○惟  
 我事不貳適惟爾王家我適○予其曰惟爾洪  
 無度我不爾動自乃邑○予亦念天即于殷大  
 戾肆不正○王曰猷告爾多士予惟時其遷居  
 西爾非我一人秦德不康寧時惟天命無違朕  
 不敢有後無我怨○惟爾知惟殷先人有冊有  
 典殷革夏命○今爾又曰夏迪簡在王庭有服  
 在百僚予一人惟聽用德肆予敢求爾于天邑  
 商予惟率肆矜爾非予罪時惟天命○王曰多  
 士昔朕來自奄予大降爾四國民命我乃明致  
 天罰移爾遐逃比事臣我宗多遜王曰告爾殷  
 多士今予惟不爾殺予惟時命有申今朕作大  
 邑于茲洛予惟四方罔攸賓亦惟爾多士攸服  
 奔走臣我多遜○爾乃尚有爾土爾乃尚寧幹  
 止○爾克敬天惟界矜爾爾不克敬爾不壹不

有爾土予亦致天之罰于爾躬。○今爾惟時宅爾邑繼爾居爾厥有幹有年于茲洛爾小子乃興從爾遷。○王曰又曰時予乃或言爾攸居

無逸

周公作無逸 中人之性好逸豫故戒以無逸 無逸 成王即政志其逸豫故以所戒名篇

周公曰嗚呼君子所其無逸。○先知稼穡之艱難乃逸則知小人之依。○相小人厥父母勤勞稼穡厥子乃不知稼穡之艱難乃逸乃諂既誕否則侮厥父母曰昔之人無聞知。○周公曰嗚

呼我聞曰昔在殷王中宗嚴恭寅畏天命自度治民祇懼不敢荒寧肆中宗之享國七十有五  
年。○其在高宗時舊勞于外爰暨小人作其即位乃或亮陰三年不言其惟不言言乃雍不敢荒寧嘉靖殷邦至于小大無時或怨肆高宗之享國五十有九年。○其在祖甲不義惟王舊為小人作其即位爰知小人之依能保惠于庶民不敢侮齔寡肆祖甲之享國三十有三年。○自

時厥後立王生則逸生則逸不知稼穡之艱難  
不聞小人之勞惟耽樂之從自時厥後亦罔或  
克壽或十年或七八年或五六年或四三年○

周公曰嗚呼厥亦惟我周太王王季克自抑畏

○文王卑服即康功田功○徽柔懿恭懷保小

民惠鮮齔寡自朝至于日中昃不遑暇食用咸

和萬民○文王不敢盤于遊田以庶邦惟正之

供文王受命惟中身厥享國五十年○周公曰

嗚呼繼自今嗣王則其無淫于觀于逸于遊于

田以萬民惟正之供○無皇曰今日耽樂乃非

民攸訓非天攸若時人不則有愆無若殷王受

之迷亂酗于酒德哉○周公曰嗚呼我聞曰古

之人猶胥訓告胥保惠胥教誨民無或胥譴張

為幻○此厥不聽人乃訓之乃變亂先王之正

刑至于小大民否則厥心違怨否則厥口詛祝

○周公曰嗚呼自殷王中宗及高宗及祖甲及

祝之又及

我周文王茲四人迪哲○厥或告之曰小人怨  
汝詈汝則皇自敬德厥愆曰朕之愆允若時不  
帝不敢含怒○此厥不聽人乃或譖張為幻曰  
小人怨汝詈汝則信之則若時不永念厥辟不  
寬綽厥心亂罰無罪殺無辜怨有同是叢于厥  
身○周公曰嗚呼嗣王其監于茲

君奭

召公為保周公為師相成王為左。孔注：奭名，諱之。右召公不說周公作君奭君奭。以告之故各篇。

周公若曰君奭○弗弔天降喪于殷殷既墜厥

命我有周既受我不敢知曰厥基永孚于休若

天棐忱我亦不敢知曰其終出于不祥○嗚呼

君已曰時我我亦不敢寧于上帝命弗永遠念

天威越我民罔尤違惟人在我後嗣子孫大弗

克恭上下遏佚前人光在家不知天命不易天

難謀乃其墜命弗克經歷嗣前人恭明德○在

今予小子且非克有正迪惟前人光施于我冲

子○又曰天不可信我道惟寧主德延天不庸

釋于文王受命。○公曰君爽我聞在昔成湯既受命時則有若伊尹格于皇天在太甲時則有若保衛在太戊時則有若伊陟臣扈格于上帝。○巫咸又王家在祖乙時則有若巫賢在武丁時則有若甘盤。○率惟茲有陳保又有殷故殷禮陟配天多歷年所。○天惟純佑命則商實百姓王人罔不秉德明恤小臣屏侯甸矧咸奔走惟茲惟德稱用又厥辟故一人有事于四方若小

禮記緇衣篇引此言曰昔在上帝周曰觀文王之德其集大命于厥躬註鄭云百文周田觀文王之德為割申勸寧王之德今博士讀為厥亂勸寧王之德三者皆異古文似近之割之言益也

楚罔不是乎。公曰君爽天壽平格保又有殷有殷嗣天滅威今汝永念則有固命厥亂明我新造邦公曰君爽在昔上帝割申勸寧王之德其集大命于厥躬。○惟文王尚克修和我有夏亦惟有若虢叔有若閔天有若散宜生有若泰顛有若南宮括又曰無能往來茲迪彝教文王受德降于國人。○亦惟純佑秉德迪知天威乃惟時昭文王迪見冒聞于上帝惟時受有殷命哉

○武王惟茲四人尚迪有祿後暨武王誕將天  
 威咸劉厥敵惟茲四人昭武王惟冒不單稱德  
 ○今在子小子且若游大川予往暨汝奭其濟  
 小子同未<sub>レ</sub>在位誕無我責收罔勗不及者造德  
 不降我則鳴鳥不聞矧曰其有能格公曰嗚呼  
 君肆其監于茲我受命無疆惟休亦大惟艱告  
 君乃猷裕我不以後人迷○公曰前人敷乃心  
 乃悉命汝作汝民極曰汝明勗偶王在會乘茲

大命惟文王德丕承無疆之恤○公曰君告汝  
 朕允保奭其汝克敬以予監于殷喪大否肆念  
 我天威○予不允惟若茲詰予惟曰襄我二人  
 汝有合哉言曰在時二人天休茲至惟時二人  
 弗戡其汝克敬德明我俊民在讓後人于丕時  
 ○嗚呼篤棐時二人我式克至于今日休我咸  
 成文王功于不怠不冒海隅出日罔不率俾公  
 曰君子不惠若茲多詰予惟用閔于天越民○

公曰嗚呼君惟乃知民德亦罔不能厥初惟其終祇若茲往敬用治

蔡仲之命

蔡叔既沒以罪放王命蔡仲踐諸侯位成王也父卒命子羅不相及作蔡仲之命冊書蔡仲之命

惟周公位冢宰正百工羣叔流言乃致辟管叔于商囚蔡叔于郭鄰以車七乘降霍叔于庶人三羊不齒蔡仲克庸祇德周公以為卿士叔卒乃命諸王邦之蔡○王若曰小子胡惟爾卒德改行克慎厥猷肆予命爾侯于東土往即乃封

敬哉○爾尚蓋前人之愆惟忠惟孝爾乃邁迹自身克勤無怠以垂憲乃後率乃祖文王之彝訓無若爾考之違王命○皇天無親惟德是輔民心無常惟惠之懷為善不同同歸于治為惡不同同歸于亂爾其戒哉○慎厥初惟厥終終以不困不惟厥終終以困窮○懋乃攸績睦乃四鄰以蕃王室以和兄弟康濟小民○率自中無作聰明亂舊章詳乃視聽罔以側言改厥度

則予一人汝嘉○王曰嗚呼小子胡汝往哉無

荒棄朕命成王東伐淮夷遂滅奄作成王既滅奄將遷其君於蒲姑周公公告召公作將蒲姑

多方

成王歸自奄代奄歸在宗周

惟五月丁亥王來自奄至于宗周○周公曰王

若曰猷告爾四國多方惟爾殷侯尹民我惟大

降爾命爾罔不知○洪惟圖天之命弗永寅念

于祀○惟帝降格于夏有夏誕厥逸不肯感言

于民乃大淫昏不克終日勸于帝之迪乃爾攸

聞厥圖帝之命不克開于民之麗乃大降罰崇

亂有夏因用于內亂不克靈承于旅罔丕惟進

之恭洪舒于民亦惟有夏之民叨憤日欽劓割

夏邑○天惟時求民主乃大降顯休命于成湯

刑殄有夏○惟天不弔純乃惟以爾多方之義

民不克永于多享惟夏之恭多士大不克明保

享于民乃胥惟虐于民至于百為大不克開○

乃惟成湯克以爾多方簡代夏作民主○慎厥



麗乃勸厥民刑用勸○以至于帝乙罔不明德

慎罰亦克用勸○要囚殄戮多罪亦克用勸開

釋無辜亦克用勸○今至于爾辟弗克以爾多

方享夫之命○嗚呼王若曰誥告爾多方非天

庸釋有夏非天庸釋有殷○乃惟爾辟以爾多

方大淫圖天之命屑有辭乃惟有夏圖厥政不

集于享天降時喪有邦聞之○乃惟爾商後王

逸厥逸圖厥政不蠲丞天惟降時喪○惟聖罔

念作狂惟狂克念作聖天惟五年須臾之子孫

誕作民主罔可念聽○天惟求爾多方大動以

威開厥顧天惟爾多方罔堪顧之○惟我周王

靈承于旅克堪用德惟典神天天惟式教我用

休簡畀殷命尹爾多方○今我曷敢多誥我惟

大降爾四國民命○爾曷不忱裕之于爾多方

爾曷不夾介乂我周王享夫之命今爾尚宅爾

宅畋爾田爾曷不惠王熙天之命○爾乃迪屢

不靜爾心未愛爾乃不大宅天命爾乃屑播天  
命爾乃自作不典圖忱于正○我惟時其敷告  
之我惟時其戰要囚之至于再至于三乃有不  
用我降爾命我乃其大罰施之非我有周秉德  
不康寧乃惟爾自速辜王曰嗚呼猷告爾有方  
多士暨殷多士今爾奔走臣我監五祀○越惟  
有胥伯小大多正爾罔不克臬○自作不和爾  
惟和哉爾室不睦爾惟和哉爾邑克明爾惟克  
勤乃事○爾尚不忘于凶德亦則以穆穆在乃  
位克閱于乃邑謀介○爾乃自時洛邑尚永力  
攸爾田天惟界矜爾我有周惟其大介賚爾迪  
簡在王庭尚爾事有服在大僚○王曰嗚呼多  
士爾不克勸忱我命爾亦則惟不克享凡民惟  
曰不享爾乃惟逸惟頗大遠王命則惟爾多方  
探天之威我則致天之罰離逖爾土○王曰我  
不惟多誥我惟祇告爾命○又曰時惟爾初不

克敬于和則無我怨

立政

周公作立政。周公既致政成王恐其怠忽故以君臣立政為立政。言用臣當其任。故以名篇。

周公若曰拜手稽首告嗣天子王矣用咸戒于

王曰王左右常伯常任準人綴衣虎賁周公曰

嗚呼休茲知恤鮮哉○古之人迪惟有夏乃有

室木競籲俊尊上帝迪知忱恂于九德之行乃

敢告教厥后曰拜手稽首后矣曰宅乃事宅乃

牧宅乃準茲惟后矣謀面用丕訓德則乃宅人

茲乃三宅無義民○桀德惟乃弗作往任是惟

暴德罔後○亦越成湯陟丕釐上帝之耿命乃

用三有宅克即宅曰三有俊克即俊嚴惟丕式

克用三宅三俊其在商邑用協于厥邑其在四

方用丕式見德○嗚呼其在受德賢惟羞刑暴

德之人同于厥邦乃惟庶習逸德之人同于厥

政帝欽罰之乃伴我有夏式商受命奄甸萬姓

○亦越文王武王克知三有宅心灼見三有俊

尚書無下王字可從

心以敬事上帝立民長伯立政任人準夫牧作

三事○虎賁綴衣趣馬小尹左右攜僕百司庶

府○大都小伯藝人表臣百司太史尹伯庶常

吉士○司徒司馬司空亞旅○夷微盧烝三毫

阪尹○文王惟克厥宅心乃克立茲常事司牧

人以克俊有德○文王罔攸兼于庶言庶獄庶

慎惟有司之牧夫是訓用違○庶獄庶慎文王

罔敢知于茲○亦越武王率惟牧功不敢替厥

義德率惟謀從容德以竝受此丕丕基○嗚呼

孺子王矣繼自今我其立政立事準人牧夫我

其克灼知厥若不乃俾亂相我受民和我庶獄

庶慎時則勿有聞之○自一話一言我則未惟

成德之彥以又我受民○嗚呼予且已受人之

微言咸告孺子王矣繼自今文子文孫其勿誤

于庶獄庶慎惟正是又之○自古商人亦越我

周文王立政立事牧夫準人則克宅之克由釋

四三

相脩也

之茲乃俾又○國則罔有立政用儉人不訓于德是罔顯在厥世繼自今立政其勿以儉人其惟吉士用勸相我國家○今文子文孫孺子王矣其勿誤于庶獄惟有司之牧夫○其克詰爾戎兵以陟禹之迹方行天下至于海表罔有不服以觀文王之耿光以揚武王之太烈○嗚呼繼自今後王立政其惟克用常人○周公若曰太史司寇蘇公式敬爾由獄以長我王國茲式有慎以列用中罰

周官

成王既黜殷命咸淮夷還歸在豐作周官周官

惟周王撫萬邦巡侯甸四征弗庭緹厥兆民六服羣辟罔不承德歸于宗周董正治官○王曰若昔大猷制治于未亂保邦于未危○曰唐虞稽古建官惟百內有百揆四岳外有州牧侯伯庶政惟和萬國咸寧夏商官倍亦克用又明王立政不惟其官惟其人○今予小子祇勤于德

夙夜不逮仰惟前代時若訓迪厥官○立太師

太傅太保茲惟三公論道經邦燮理陰陽官不

必備惟其人○少師少傅少保曰三孤貳公弘

化寅亮天地弼予一人○冢宰掌邦治統百官

均四海○司徒掌邦教敷五典擾兆民○宗伯

掌邦禮治神人和上下○司馬掌邦政統六師

平邦國○司寇掌邦禁詰姦慝刑暴亂○司空

掌邦土居四民時地利○六卿分職各率其屬

以倡九牧阜成兆民○六年五服一朝又六年

王乃時巡考制度于四岳諸侯各朝于方岳大

明黜陟○王曰嗚呼凡我有官君子欽乃攸司

慎乃出令今出惟行弗惟反以公滅私民其允

懷○學古入官議事以制政乃不迷其爾典常

作之師無以利口亂厥官蓄疑敗謀怠忽荒政

不學牆面莅事惟煩○戒爾卿士功崇惟志業

廣惟勤惟克果斷乃罔後艱○位不期驕祿不

書

卷

下

期修恭儉惟德無載爾偽作德心逸日休作偽

心勞日拙○居寵思危罔不惟良弗良入喪○

推賢讓能庶官乃不和政靡舉能其官惟爾

之能稱匪其人惟爾不任○王曰嗚呼三事暨

大夫敬爾有官亂爾有政以佐乃辟永康兆民

萬邦惟無斁成王既代東夷肅慎來賀王俾榮伯作

君陳周公既設命君陳王若曰君陳惟爾令德孝恭惟孝友于兄弟克

施有政命汝尹茲東郊敬哉○昔周公師保萬

民民懷其德往慎乃司茲率厥常懋昭周公之

訓惟良其乂○我聞曰至治馨香感于神明黍

稷非馨明德惟馨爾尚式時周公之猷訓惟日

孜孜無敢逸豫○凡未見聖若不克見既見

聖亦不克由聖爾其戒哉爾惟風下民惟艸○

圖厥政莫或不艱有廢有興出入自爾師虞庶

言同則釋○爾有嘉謀嘉猷則入告爾后于內

人

爾乃順之于外曰斯謀斯猷惟我后之德嗚呼  
臣人咸若時惟良顯哉○王曰君陳爾惟弘周  
公丕訓無依勢作威無倚法以削寬而有制從  
容以和○殷民在辟予曰辟爾惟勿辟予曰宥  
爾惟勿宥惟厥中○有弗若于汝政弗化于汝  
訓辟以止辟乃辟狂于茲克敗常亂俗三細不  
宥○爾無忿疾于頑無求備于一夫○必有忍  
其乃有濟有容德乃大○簡厥修亦簡其或不  
脩進厥良以率其或不良○惟民生厚因物有  
遷違上所命從厥攸好爾克敬典在德時乃罔  
不獲允升于大猷惟予一人膺受多福其爾之  
休終有辭於永世

顧命

成王將崩命召公畢公蒞諸侯相康王作顧命顧命

惟四月哉生魄王不懌○甲子王乃洮頰水相  
被冕服憑玉几乃同召大保奭芮伯彤伯畢公  
衛侯毛公師氏虎臣百尹御事○王曰嗚呼疾



大漸惟幾病日臻既彌雷恐不獲誓言嗣茲予

審訓命汝○昔君文王武王宣重光奠麗陳教

則肆肆不違用克達殷集大命○在後之侗敬

迓天威嗣守文武大訓無敢昏逾○今天降疾

殆弗興弗悟爾尚明時朕言用敬保元子釗弘

濟于艱難○柔遠能爾安勸小大庶邦○思夫

人自亂于威儀爾無以釗冒貢于非幾茲既受

命還出綴衣于庭越翌日乙丑王崩太保命仲

桓南宮毛俾爰齊侯呂伋以二千戈虎賁百人

逆于釗於南門之外延入翼室恤宅宗○丁卯

命作冊度○越七日癸酉伯相命士須材○狄

設黼辰綴衣○牖間南嚮數重篋席黼純華玉

仍几○西序東嚮數重底席綴純文貝仍几○

東序西嚮數重豐席畫純雕玉仍几○西夾南

嚮數重筍席玄紛純漆仍几○越五五重陳寶

赤刀大訓弘璧琬琰在西序大玉夷玉天球河

鏡以視之

圖在東序。亂之舞衣。大貝鼓。鼓在西房。兌之戈。和之弓。垂之竹矢。在東房。○大輅在賓階面。綴輅在阼階面。先輅在左塾之前。次輅在右塾之前。○二人雀弁執惠立于畢門之內。四人綦弁執戈。上刃夾兩階。一人冕執劉立于東堂。一人冕執鉞立于西堂。一人冕執戣立于東垂。一人冕執矟立于西垂。一人冕執銳立于側階。○王麻冕黼裳由賓階。階。卿士邦君麻冕蟻裳入

即位。○太保太史太宗皆麻冕彤裳。太保承介。圭。上宗奉同瑁由阼階。階。太史秉書由賓階。階。御玉冊命。○曰。皇后憑玉几道揚末命。命汝嗣。訓臨君周邦。率循大卞。燮和天下。用答揚文武之光訓。王再拜興答曰。眇眇予末小子。其能而亂四方。以敬忌天威。○乃受同瑁王三宿三祭三啗。上宗曰饗。○太保受同降盥以異同。秉璋以酢。授宗人同拜。王答拜。○太保受同祭齊毛

授宗人同拜王答拜○太保降收諸侯出廟所  
侯

康王之誥

康王既尸天子尸也天誥諸侯作康王之誥

王出在應門之內太保率西方諸侯入應門左  
畢公率東方諸侯入應門右皆布乘黃朱實稱  
奉圭兼幣曰一二臣衛敢執壤奠皆再拜稽首  
王義嗣德答拜○太保暨芮伯咸進相揖皆再  
拜稽首曰敢敬告天子皇天改大邦殷之命惟

周文武誕受姜若克恤西土○惟新陟王畢協  
賞罰戡定厥功用敷遺後人休今王敬之哉張  
皇六師無壞我高祖夏命王若曰庶邦侯甸男  
衛惟予一人釗報誥○昔君文武丕平富不務  
咎底至齊信用照明于天下則亦有能熊羆之士  
不二心之臣保乂王家用端命于上帝皇天用  
訓厥道付畀四方○乃命建侯樹屏在我後之  
人今予一二伯父尚胥暨顧綏爾先公之臣服

尚書曰建之下  
有諸之享

于先王雖爾身在外乃心罔不在王室用奉恤  
厥若無遺鞠于羞羣公既皆聽命相揖趨出王  
釋冕反喪服

畢命

康王命作冊畢命畢命成周郊作畢命畢命

惟十有二年六月庚午朔越三日壬申王朝步  
自宗周至于豐以成周之衆命畢公保釐東郊  
○王若曰嗚呼父師惟文王武王敷大德于天  
下用克受殷命○惟周公左右先王綏定厥家

懋殷頑民遷于洛邑密邇王室式化厥訓既歷  
三紀世變風移四方無虞予一人以寧○道有  
升降政由俗革不臧厥臧民罔攸勸○惟公懋  
德克勤小物翊亮四世正色率下罔不祇師言  
嘉績多乎先王予小子垂拱仰成王曰嗚呼父  
師今予祇命公以周公之事往哉○旌別淑慝  
表厥宅里彰善癉惡樹之風聲弗率訓典殊厥  
井疆俾克畏慕申畫郊圻慎固封守以康四海

尚書于今  
不可後

○政貴有恆辭尚體要不惟好異商俗靡靡利

口惟賢餘風未殄公其念哉○我聞曰世祿之

家鮮克由禮以蕩陵德實悖天道澈化奢麗萬

世同流○茲殷庶士席寵惟舊怙侈滅義服美

于人○驕淫矜侈將由惡終雖收放心閑之惟艱

○資富能訓惟以永年惟德惟義時乃大訓不

由古訓于何其訓○王曰嗚呼父師邦之安危

惟茲殷士不剛不柔厥德允修○惟周公克慎

厥始惟君陳克和厥中惟公克成厥終三后協

心同底于道道洽政治澤潤生民四夷左衽罔

不成賴予小子永膺多福公其惟時成周建無

窮之基亦有無窮之聞予孫訓其成式惟又○

嗚呼罔曰弗克惟既厥心罔曰民寡惟慎厥事

欽若先王成烈以休于前政

君牙 穆王命君牙為周大司徒作君牙君牙

王若曰嗚呼君牙惟乃祖乃父世篤忠貞服勞

王家厥有成績紀于太常○惟予小子嗣守文武成康遺緒亦惟先王之臣克左右亂四方心之憂危若蹈虎尾涉于春冰○今命爾予翼作股肱心膂繼乃舊服無忝祖考○弘敷五典式和民則爾身克正罔敢弗正民心罔中惟爾之中○夏暑雨小民惟曰怨咨冬祁寒小民亦惟曰怨咨厥惟艱哉思其艱以圖其易民乃寧○嗚呼丕顯哉文王謨丕承哉武王烈啟佑我後

人咸以正罔缺爾惟敬明乃訓用奉若干先王對揚文武之光命追配于前人○王若曰君牙乃惟由先正舊典時式民之治亂在茲率乃祖考之攸行昭乃辟之有乂

罔命 穆王命伯罔為罔 大僕正作罔命罔命

王若曰伯罔惟予弗克于德嗣先人宅丕后怵惕惟厲中夜以興思免厥愆○昔在文武聰明齊聖小大之臣咸懷忠良其侍御僕從罔匪正

人以且夕承弼厥辟出入起居罔有不欽發號  
施令罔有不臧下民祇若萬邦咸休○惟予一  
人無良實賴左右前後有位之士匡其不及繩  
愆糾謬格其非心俾克紹先烈○今予命汝作  
大正正于羣僕侍御之臣懋乃后德交脩不逮  
○慎簡乃僚無以巧言令色便辟側媚其惟吉  
士○僕臣正厥后克正僕臣諛厥后自聖后德  
惟臣不德惟臣○爾無昵于險人充耳目之官

迪上以非先王之典○非人其吉惟貨其吉若  
時瘼厥官惟爾大弗克祇厥辟惟予汝辜○王  
曰嗚呼欽哉永弼乃后于彝憲

呂刑呂命穆王訓夏  
贖刑作呂刑呂刑

惟呂命王享國百年肇荒度作刑以詰四方王  
曰若古有訓蚩尤惟始作亂延及于平民罔不  
寇賊鴟義茲尤奪攘矯虔○苗民弗用靈制以  
刑惟作五虐之刑曰法殺戮無辜爰始淫為劓

刑極黜越茲麗刑并制罔差有辭○民與香漸  
 泯泯焚焚罔中于信以覆詛盟虐威庶戮方告  
 無辜于上上帝監民罔有馨香德刑發聞惟腥  
 ○皇帝哀矜庶戮之不辜報虐以威遏絕苗民  
 無世在下○乃命重黎絕地天通罔有降格羣  
 后之逮在下明明棗常鯨寡無蓋○皇帝清問  
 下民鯨寡有辭于苗德威惟畏德明惟明○乃  
 命三后恤功于民伯夷降典折民惟刑禹平水

土主名山山川稷降播種農殖嘉穀三后成功惟  
 殷于民○士制百姓于刑之中以教祇德○穆  
 穆在上明明在下灼于四方罔不惟德之勤故  
 乃明于刑之中率又于民棗彝○典獄非訖于  
 威惟訖于富敬忌罔有擇言在身惟克天德自  
 作元命配享在下○王曰嗟四方司政典獄非  
 爾惟作天牧今爾何監非時伯夷播刑之迪其  
 今爾何懲惟時苗民匪察于獄之麗罔釋吉人



觀于五刑之中。惟時庶威奮貨，斷制五刑，以亂  
無寡。上帝不蠲，降咎于苗。苗民無辭于罰，乃絕  
厥世。○王曰：嗚呼！念之哉！伯父伯兄，仲叔季弟，  
幼子童孫，皆聽朕言。庶有格命。今爾罔不由慰，  
日勤爾罔，或戒不勤。天齊于民，俾我一日非終。  
惟終在人，爾尚敬逆天命，以奉我一人。雖畏勿  
畏，雖休勿休。惟敬五刑，以成二德。一人有慶，兆  
民賴之。其登惟永。○王曰：吁！來有邦有土，告爾

祥刑。在今爾安百姓，何擇非人？何敬非刑？何度  
非及。○兩造具備，師聽五辭。五辭簡孚，正于五  
刑。五刑不簡，正于五罰。五罰不服，正于五過。○  
五過之疵，惟官惟反，惟內惟貨，惟來其罪，惟均  
其審克之。○五刑之疑，有赦。五罰之疑，有赦。其  
審克之簡孚，有衆。惟貌有替，無簡不聽。具嚴天  
威，○墨辟疑赦，其罰百錢。閱實其罪，劓辟疑赦，  
其罰惟倍。閱實其罪，剕辟疑赦，其罰倍差。閱實

其罪官辟疑赦其罰六百錢閱實其罪大辟疑  
赦其罰千錢閱實其罪累罰之屬千劓罰之屬  
千剕罰之屬五百官罰之屬三百大辟之罰其  
屬二百五刑之屬二千。上比罪無僭亂辭勿  
用不行惟察惟法其審克之。○上刑適輕下服  
下刑適重上服輕重諸罰有權刑罰世輕世重  
惟齊非齊有倫有要。○罰懲非死人極于病非  
佞折獄惟良折獄罔非在中察辭于差非從惟

輸而美

呼

從哀敬折獄明啟刑書胥占咸庶中正其刑其  
罰其審克之獄成而乎輸而乎其刑上備有并  
兩刑。○王曰嗚呼敬之哉官伯族姓朕言多懼  
朕敬于刑有德惟刑今天相民作配在下明清  
于單辭民之亂罔不中聽獄之兩辭無或私家  
于獄之兩辭獄貨非實惟府辜功報以庶尤永  
畏惟罰非天不中惟人在命天罰不極庶民罔  
有令政在于天下。○王曰嗚呼嗣孫今往何監

寶上室同  
尚書作室

非德于民之中尚明聽之哉哲人惟刑無疆之辭屬于五極咸中有慶受王嘉師監于茲祥刑

文侯之命

命音明文音收侯音庚之音平王錫音文侯拒必圭璽作文侯之命

王若曰父義和丕顯文武克慎明德昭升于上

敷聞在下惟時上帝集厥命于文王亦惟先正

克左右昭事厥辟越小大謀猷罔不率從肆先

祖懷在位○嗚呼閔予小子嗣造天丕愆殄資

澤于下民侵我我國家純卽我御事罔或者壽

俊在厥服予則罔克曰惟祖惟父其伊恤朕躬

嗚呼有績予一人永綏在位○父義和汝克昭

乃顯祖汝肇刑文武用會紹乃辟追孝于前文

人汝多脩扞我于艱若汝予嘉○王曰父義和

其歸視爾師寧爾邦用賚爾秬鬯一卣彤弓一

彤矢百盧弓一盧矢百馬四匹父往哉柔遠能

邇惠康小民無荒寧簡恤爾都用成爾顯德

費誓

魯哀公十四年春西狩于野東郊不雨作費誓

尚看先數字

公曰嗟人無譁聽命徂茲淮夷徐戎並興○善

穀乃甲冑敵乃予無敢不弔備乃弓矢鋌乃戈

矛礪乃鋒刃無敢不善○今惟淫舍牯牛馬杜

乃獲斂乃罪無敢傷牯牯之傷汝則有常刑○

馬牛其風臣妾逋逃勿敢越逐祇復之我商賚

汝乃越逐不復汝則有常刑無敢寇攘踰垣墻

竊馬牛誘臣妾汝則有常刑○甲戌我惟征徐

戎時乃糧糧無敢不逮汝則有大刑魯人三郊

三遂時乃楨榦甲戌我惟築無敢不供汝則有

無餘刑非殺魯人三郊三遂時乃芻蕘無敢不

多汝則有大刑

秦誓

秦穆公代鄭魯襄公帥師敗諸峭畷歸作秦誓秦穆

公曰嗟我士聽無譁予誓告汝羣言之首○古

人有言曰民訖自若是多盤責人斯無難惟受

責俾如流是惟難哉○我心之憂日月逾邁若

弗云來○惟古之謀人則曰未就予忌惟今之

詢  
詢問

斷、他技其心休、  
焉、有、有、有、有、有、  
之、人、乃、乃、乃、乃、乃、  
辭、射、御、不、違、其、  
口、誠、哉、以、美、其、  
用

謀人。姑將以為親。雖則云然。尚猷訃。茲黃髮則  
罔所愆。○番番良士。旅力既愆。我尚有之。佗佗  
勇夫。射御不違。我尚不欲。惟截截善。論言俾君  
子。易辭我皇。多有之。○昧昧我思之。如有一介  
臣。斷斷猗。無他技。其心休休焉。其如有容人之  
有技。若已有之。人之彥聖。其心好之。不啻如自  
其口出。是能容之。以保我子孫。黎民亦職有利  
哉。○人之有技。冒疾以惡之。人之彥聖而違之

俾不達。是不能容。以不能保我子孫。黎民亦曰  
殆哉。○邦之杌隳。自由一人。邦之榮懷。亦尚一  
人之慶

書經卷之下終

書下

新

卷

唯板草法公之

小疴山志云

若始孔注如是无逸第  
夏意在御莫不群好  
诗首雅所第

